

豐  
草  
菴  
詩  
集

豐草菴詩集卷五目錄

病孔雀編

病孔雀

聽雨

春日

四首

聞警

春雪謠

感懷

憶既方

西谿客出訪友人

喜閱持

訥至

二首

春日寄持訥翁書

老馬

蠶豆

移梧桐一絕

蒼頭借書未至

題豐草菴書

譜

菴居雜事

三首

西谿客蹋雨南村

布穀

海棠杖

清明竹枝詞

張非翁爲余買書

志感

買花

種蓮

錦邊蓮和非翁

喜持

訥至

感園客先生借書漫成二律

汲水洗

砌石偶賦

讀射堂詩

志園子山中寄藥苗

遠遊吟贈西谿客時西谿客將遊吳淞 架

屋詞 曉起 閱許有介米友堂集感舊 雨

齋 宮人入道和唐人 小童定名渡村思鹿

山也 秋夜夢至玉真仙觀閱古畫甚奇偉余

題其卷首云千門萬戶畫地成圖覺而異之適

敬夫有賣花之作因用其韻 欲結菴玄墓

夢夾山漾 虞聖民至自竹墩言二三月閒東

林有燒野香故事余聞而異之 登樓書所見

遣信吳門買書未至 身後吟 畫漁船

今日日南至 寒日有感 風雪中話楊機部

先生 雪 蠟梅 歲暮 歲盡西谿客別去

土室詞 埽塵詞 祭竈詞 土室種蘭

命樵兒和種蘭詩復用前韻 書屋初成 歲

寒香 正月辛卯鄰家娶婦住船柳岸余欲移

梅南莊便從借船 示樵兒 哭青藤 春盡

寄竟孚 寄不寐道人 病中晤王子 代簡

邀西谿客 樵兒病瘡 愁懷 何處難忘兩

夢裏

豐草菴詩集卷五

病孔雀編

吳興董

說若雨著

病孔雀

辛卯

頻呼都護立江沙

孔雀鳴若曰都護

翠尾新凋五色霞死骨願

埋南海土夢魂飛繞刺桐花

文嬰世網

偏多悔

山谷題畫孔雀

枕椰暗天蕉葉長

渴飲寒泉祇自嗟

杜甫赤霄行孔雀未知牛有角渴飲

寒泉逢

魚觸 憔悴形容人不賞莫教圖畫入侯家

聽雨

梧桐滴瀝客心驚撥盡鐘灰白髮生雁落秋江愁萬里  
燈青孤館坐三更當年箬笠人何在明日谿橋水又平  
尋著漏聲當屋角夜深百市繞書行

春日四首

蓋牆薜荔屋欹斜，適意圖書閱歲華。  
墨搗湘雲鎔鹿角，香拈百和煮梅花。  
余製墨名湘雲，又爲山家百和香，與花辦同焚，殊有清致。庭前怪石堪成譜，夢裏青山便是家。  
快雪初晴春又綠，呪他新雨長茶芽。

獵獵淒風紙幕垂，琴臺塵厚石枰欹。  
蘭栽村市收鐙日，香擣鄰家打稻時。

累月凝寒，春孟猶聞打稻。

聲劇已忘人，責券倦來

喜免客投詩。今年雨冷花開緩，爲卜新梅又數著。

野人蹤跡背時宜，新鑿牆頭屨一規。  
墨杵聲中臨丙舍，藤陰疏處曬辛夷。  
但箋香草能醫俗，祇話雲山也療饑。

名是無名字無字

余有余無名印

不妨自草夢鄉碑

煮茶煙透綠陰中，遮屋黃茅閒瓦松。但遣異書供研北，不妨野語聽齊東。周密著齊東野語香拈細雨招新夢，門閉春風仗短童。秋色今年應更好，小窗移得碧梧桐。

聞警

樵船載圖書，移家鹿山去。何以珍護之，斜閣松深處。歸來春幾綠，歎息空往事。藏書託新構，豐草名自署。夜聞鼓角聲，秉燭倉皇視。摩挲峴岷碑，與汝待天曙。

春雪謠

黃鸝無聲寒竹瀉，茶煙斷續西窗下。兒童拍手草堂前，湖頭雪壓看花船。

感懷

茅屋三閒亂篠難繡苔石落燕泥乾蠶眠初起桑園開  
茶價新高瓦鼎寒樵艇許分文畫杖竹婢喚揀釣魚竿  
摘來姊妹花偏豔白髮愁看獨倚闌

憶既方

殘日立松影春齋知對誰看君騎馬去是我別山時有  
子經堪授當年髮尙垂只今愁不見點筆記相思

西谿客出訪友人

野水危橋路幾層借書卻拄看雲藤閑過竹院思曾到  
遙見春山惜未登此去隨行還欠鶴他時重訪合攜僧  
南村回首高吟處漁路垂楊挂短簷

喜閱持訥至

二首



故人老學野樵裝細雨輕舟住柳塘衣袖薄垂懷古帙

藥囊添重帶名香卜居我轉青楓式相宅君嫌薜荔牆

余爲持訥作卦持訥喜談五行苦欲翦牆頭薜荔解道平生飛動意杜陵端的

是詩王杜甫少時受神話有詩王本出陳留國語

百規宮餅伴山裝滿篋新書并贈將十載空遊南海夢

今朝眞續少年場時贈余許戎戎冷落看醫壘故國飄

零惜內香持訥復贈醫壘元戎六冊官香二篋翻話草堂門外事板橋春

色數垂楊余不見門前柳色數年矣

春日寄持訥翁書

懸知書到後心揣剝封時定劇清羸疾來徵野外醫斜

陽披小牘鄭重借新詩白髮淘華老呼筇出短籬持訥有淘

華書

老馬

玉勒曾嘶出塞聲，御前同奏戰功名。老來一任無拘束，  
放在平沙細草行。

蠶豆

誰賦田園雜興題，琅玕記取夏初垂。喜看桑底懸新莢，  
恰值蠶眠未吐絲。細雨賣茶聲過後，竹鑪燒筍火停時。  
沙瓶漆櫚分前詠，豌豆今逢第二詩。誠齋集蠶豆詩有  
漆櫚分嘗曉露腴，又言蠶豆未有  
賦者，蓋豌豆也。吳人謂之蠶豆。

移梧桐一絕

四月谿堂漸綠陰，數章落葉倡哀音。琴材待付雷家斲，

移近兩窗聽苦吟

蒼頭借書未至

錦囊初別故人，居帆背苕谿。指舊廬，細雨正逢南去雁。  
野航劣受借來書，多應解事能懷古。未必臨風獨怨余。  
箬笠已穿蓑，又壞桃花流水亂歸漁。

題豐草菴書譜

病來圖史喜偏增，竹架玲瓏疊數層。有日暫拋緣聽雨，  
他年終捨去爲僧。窗中磊磊西山石，閣外垂垂百歲藤。  
目錄編成空自惜，幾家傳得讀書燈。

菴居雜事

三首

門掩谿南自種蔬，十年不上看山輿。漸遮窗影離盆樹，

忽亂波紋散子魚架借異書籤代換雨蒸舊畫軸頻舒  
日長睡起茶煙冷蝴蝶花開夢客廬

童約新頒種樹科擬鑄花歷石新磨空堂鍊墨擣茶白  
細雨借書披釣蓑畫帶乍驚銜蕊燕卦錢移買放生螺  
竹枝拗作池邊欄爲怕兒童摘早荷

歷亂苔生藥滿畦嬾將身世算枯蒼古人不見那須恨  
俗客無來自一奇祇爲山川增涕淚可憐風雅又衰危  
哀吟坐盡三更雨文苑刪成欲寄誰

時成文苑  
英華詩略

西谿客蹋雨南村

羨殺看雲拄杖輕老懷空負蹋春情人從燕子飛邊去  
獨繞闌干曲處行江上愁心春雨綠斜陽歸路小橋橫

守門童出前谿候認得來時屐齒聲

布穀

布穀聲聲釣艇開洞庭影沒亂雲堆牛羊歸盡江村黑  
渡口人喧雨陣來

海棠杖

虞聖民贈余杖曰此西山  
中海棠榦也感而賦之

稜稜骨相瘦筇儔不似春風逐隊柔舊日繁華誰夢見  
老來憔悴伴僧遊傷心絕藻俄才盡忍對傾城又白頭  
莫挈少年場裏去只宜煙雨楚江秋

清明竹枝詞

客有從吳門來話風  
土近事韻語記之

班首申衙舊擅場  
黎園白髮道家裝  
西樓樂府朝來演  
老去風流是穆孃

聚頭扇子寫卿卿  
輕薄兒郎共結盟  
不是狹邪偏意氣  
近來歌舞重虛名

布穀聲中喚酒船  
同春館去買新牋  
幅幅泥金描彩鳳  
十王名帖揀紅鮮

碧紗轎駐水塘灣  
楊柳風吹燕尾鬢  
要赴鐙前絃子社  
莫攜儂上虎丘山

張非翁爲余買書志感

感恩聊寄綠葵牋  
重結他生文字緣  
門外苦催賒藥券  
人間誰段買書錢  
空登西閣日相望  
同在南村竟各天

萬卷子孫能永保只教世世頌高賢

買花

前裝梔子後山鵲纜結垂楊細雨天若肯載將書畫去  
病夫也坐賣花船

種蓮

今年五月晚涼天架上青松檻外蓮要定采蓮新曲譜  
卻煎蓮葉染藤箋

錦邊蓮和非翁

五月汀洲別樣妍澹霞一縷晚涼天證成白地元非染  
改作烏絲好製牋曲沼紅欄銷夏處紅衣繡帶采香船  
定口子夜添新詠解得相思莫問憐

喜持訥至

索索枯荷響草堂，鑪燒新製翠寒香。

余製翠寒香，屑味有遠韻。高人

坐久添詩話，病客秋深覺睡方。書向種瓜村裏借。

余從

先生借書持訥爲徵生之乞。

葉當賣藥艇前黃。世閒幾箇清如許，白

髮飄蕭意正長。

感園客先生借書漫成二律

借書前度雁初去，此日寒村葉又黃。解帙正當聽雨處，  
酬恩欲寄擣香方。不知何事謬心許，相見無緣祇斷腸。  
幸有先人敝廬在，幾時來訪蓼花塘。

舊本親鈔墨，尙新寄來研。北暫忘貧風，流罪過曾何損。  
泉石膏肓有幾人，兩世借書成故事。  
先君昔從園翁借書，一家知。



遇似前因

湘人爲圓翁令嗣亦屢段余舊本

疊山集望重抽架料得先

生不厭頻

時託持訥借謝疊山集未至

汲水洗砌石偶賦

雨餘仍抱甕石子露文疏便與客同坐細商籟外書竹  
枯儲作帚泥潤中栽蔬雙鳥忽飛去隔牆人荷鋤

讀射堂詩

耆舊銷亡倍可憐射堂格老壓吳天詞場唱徹三千里  
詩統前空五百年芳草落花調馬地斜風細雨釣魚船  
高情澹蕩渾如此若箇承他夜半傳

志園子山中寄藥苗

七月故人來快說山水狀西村授經處開門對青嶂平

生愛山癖餅餌挂藤杖穿石蹋杉影日與樵人兩路盡  
見高僧敲鐘水簾上法堂秋草深石鼎屹相向薄晚豹  
蚊飛焚蒿替幃帳語罷君出門蒼茫嚮西望藥苗昨寄  
與遊跡正清放

遠遊吟贈西谿客時西谿客將遊吳閫

那能送君行只作君歸語松陵雨望洞庭山模糊一片  
青蘆葦人背蒲帆立船尾

架屋詞

秋日以樵采餘材屋上架屋縱望  
天西南角足當臥遊作架屋詞

屋頭小架爨餘材草創村家竹裏臺借得蓑衣兼笠子  
雨中坐看亂雲堆

西弁峰青落日閒  
洞庭斜露碧煙鬟  
竹頭木屑無多子  
買盡吳山又越山

遠村一段夕陽愁  
祇是霜林葉未稠  
替種數株烏柏樹  
年年九月隔谿秋

鹿山空作夢中遊  
榭葉斜橋古渡頭  
雲斷郭西愁不見  
幾時再起一層樓

曉起

滅燭披書讀未明  
空庭著屐繞階行  
青藤一架雨初霽  
澹月半牆雞亂鳴  
種樹人肩泥錘去  
撈鰕船觸水籬聲  
今朝擬補園林課  
竹徑教編石子平

閱許有介米友堂集感書

身是君家弟子員喜看絕藻又空羣新裁釣笠酬知己  
曾著青衫論古文玉史先生往督學兩浙余以古文見知斗酒未澆南越  
土瓣香遙禮海天雲祇應地下還憐我豐草千篇擬自  
焚

雨齋

漁艇度聲溼谿寒雨一庭牆低看鳥遠窗破漏藤青釀  
荔添花譜糜榴驗墨經西偏堆石處少箇夢山亭

宮人入道和唐人

聽斷昭陽鼓吹聲道家衣向御前更從拋團扇三秋怨  
卻勝琵琶萬里行留錦祇謀裝祕笈買絲還擬繡飛瓊  
天家異日齋香使白髮宮監記舊名

小童定名渡村思鹿山也

擗葉響樵路斜橋水一灣渡村忘不得相伴夢青山

秋夜夢至玉真仙觀閱古畫甚奇偉余題其卷  
首云千門萬戶畫地成圖覺而異之適敬夫有  
賣花之作因用其韻

滿地松釵石齒斜樵夫指是玉真家人閒九月攢霜菊  
洞裏千門著杏花散客倚闌方點筆短童卷袖笑擎茶  
擘窠大字留題徧氣壓能書蔡少霞

欲結菴玄墓

掩戶話青山我心已馳往黃茅結亭子生賴煙雲養插  
架萬書籤嘯讀松杉上

夢夾山漾

新雨春樹綠放舟夾山漾帆偃谿風微船頭紫藤杖故  
人卜何子遠立茅亭上相呼不能近蘋月生輕浪

虞聖民至自竹墩言二三月閒東林有燒野香  
故事余聞而異之

東林山口溼雲開盡插山花帶笑來燒罷野香人散去  
青楓樹下紙錢灰

登樓書所見

疏林葉赤水生煙正是江南曬稻天鄰舍蠻童花插髻  
柳陰撐出甯泥船

道信吳門買書未至

思遠不成夢，瑟瑟飛寒雨。屢誤風窗聲，嘔啞認歸櫓。吳山梅未花，留連定何取。天明呼小童，頂笠候漁浦。

身後吟

共飲秋山茶，聽我身後吟。身前愁浩蕩，身後言苦辛。小傳述窮愁，寄賴平生親。文章貴直筆，要使大義申。美惡不相掩，實錄寶天真。逡巡徒諛墓，高意成埃塵。尺短寸有長，我質誠未純。冷苦九秋雨，沒世無陽春。自評確不易，璣屑聊爲陳。手著一函書，副入空山墳。誰爲理殘藁，寄與蘆中人。我友嚴子自稱蘆中人蘆中人不來，迴腸轉車輪。吞聲莫慟哭，竊恐惱比鄰。

畫漁船

平生無畫才愁至筆聊及寫作小漁船磊落江濤立呼  
兒兒不前僕老持紙泣兒癡一何甚僕淚一何急共立  
雨聲中南飛雁音澀

今日日南至

今日日南至前去三十年歷亂傷懷抱要躅尋山船漁  
子甫三歲索栗噉我前見我疊行囊牽衣問因緣嚙指  
不能答掩淚向壁眠夜久燈燄微兒去人無喧起步躡  
愁影細雨風相連平生忽兒女輕若秋蒂翩那知相決  
絕腸斷呼蒼天間有飛形藥尸解亞神仙誰能乞刀圭  
令我生乍捐死去冥無知生離實愁煎

兒女尙自可白髮親相憐恐傷慈母心負罪通於天止



止勿復道無令愁語傳欲去去未能欲止止無緣欲死  
魂未離欲生難駐年

吳興盛風雅清絕天下傳先人力振作豪氣壓當年詩  
名屬我家磊落江南天樵兒年十四學語劣成篇作賦  
古戰場似有文章緣使我終教之家聲應未湮今當以  
愁死兒業遂棄捐

洗我缺角研穿我擲卦錢芒屨及箬笠瑣細那可捐書  
畫其藤笈錦帶互糾纏旣無遠遊心行裝何燦然非無  
遠遊心水深渡無船登樓望西塘高帆去翩翩卞山沒  
不見作雪雲滿天

平生著易發律呂表幾先不學漢京房納甲配兩弦斲

石屬山匠匣祕書百篇草木及鳥獸名物欲細箋郭璞  
注蟲魚何必非古賢爾雅不磊落韓子言未然惜哉書  
未成投筆生難延

我有所生母地下音難傳中夜夢見之拭淚青松邊撫  
我謂莫去欲去宜早旋醒聞南雁飛背壁孤燈然明朝  
紙窗底莫寫遠遊篇

結交少年場立身慕先賢布衣不自媿偃蹇公卿前那  
知南村中俛受童僕憐童僕憐尚可買帖囊無錢

庭中有老樹醜葉枝不妍風霜逼歲暮坐對心苦煎村  
西三十里屐舍有高賢其人姓閔氏字客冠以園有子  
與同隱圖史許分箋五日遣奚奴十日寄樵船傾箱發

祕異胡爲獨纏絲死無報恩期吟與後人傳

復有非齋老講帳南村懸其尊爲父執高靜如古禪借  
書動百軸兼餉買書錢太湖村之東晟舍村西偏千秋  
表高行合璧稱二賢

敲門呼敬夫紙燭夜自然起起欲共語坐定忘其端敬  
夫爾知我安能復長年圖書藏副墨莫遣後無傳

寒日有感

藥券頻題已不靈風鑪灰冷側沙瓶柴門永閉人空老  
積雪半消山未青牌握象牙推納甲鋤攜鴉觜教添丁  
著書怕觸親朋諱座右須懸沒字銘

風雪中話楊機部先生

當年野泊崑山下古墓草荒排石馬並船乍遇楊先生  
蕭蕭不是風塵者上書自請斬樓蘭拔劍鐙前夜獨看  
囊中出塞一吟軸奇字歷落蛟龍盤薰鑪火冷撥灰坐  
話到英雄暫辟寒

余遇機部先生歲在庚辰

雪

不來窗外看總道葉飛聲滴研水先凍讀書堂轉清人  
閒茶話細船聚板橋橫憶向畫圖見客騎驢子行

蠟梅

東籬寂寞斷幽香格外寒梅傲短牆小院晚風殘歲盡  
半庭澹影夕陽黃山家摘蕊添銅鼎野老穿花稱道裝  
不是氤氳聞別調卻疑秋葉滿林霜

歲暮

東偏門小蔽青藤作雪雲堆晴未能病骨朽如前歲歷  
老懷澄似退堂僧僕謀種菊嫌籬缺兒課鈔詩訴研冰  
保得數椽茅屋在年年寒竹漏書鐙

歲盡西谿客別去

雀聚檐頭霜滿林兩年悔負看山心

有同看吳山之約不果

人當

難別反無語日到歲除偏易沈生怕送行詩入俗只將  
落葉句長吟重來莫訝添離隔要護講堂深復深

土室詞

西偏書屋貧不能具地隔作  
土室詞使童子長歌自解

一片春苔籍竹牀亂藤侵遍畫山牆田園風景真奇絕

書卷齊堆打稻場

休疑蜀道上青天行路崎嶇盡可憐實地蹋來心較穩  
從今拈出祖師禪

掃塵詞

吳俗十二月掃塵爲  
歲除風景作掃塵詞

麤麤臘鼓掃塵時豐草菴空竹拂垂自信世間塵不到  
平生長隔庾元規

祭竈詞

祭竈鎧寒祝語疏自將功過默乘除風流罪業應難免  
偷寫人間幾葉書

竈王歸去海雲稠應記南村人正愁爲上綠章封事奏

青山乞與半生遊

土室種蘭

壬辰

土室貴返朴坐處春草生拔草種蘭窠躬學老圃耕銅  
瓶朝瀉水南窗初雪晴花向架書垂葉鬧春風聲春風  
發几研勝繞池塘行

命樵兒和種蘭詩復用前韻

有待覺爲煩不遣一念生埽室種幽蘭及此未春耕仰  
視屋梁摧斜隙漏新晴花葉相向綠摩切清鏘聲當門  
不用戒齋室斷人行

書屋初成

九曲籬成自往還亂藤遮屋不須刪愁來草閣四窗雨

夢裏江南萬疊山  
買艇劣容琴鶴共  
種松兼辦子孫閒  
一九泥斷東偏路  
只遺清風夜扣關

歲寒香

松鍼柏葉采貴生  
調和棗膏荔子并  
擣之萬杵藏翠罌  
謚曰歲寒香莫京  
空堂風雨鑪氣清  
激發竹樹開秋聲  
孰始制作余無名

正月辛卯鄰家娶婦  
住船柳岸余欲移梅  
南莊  
便從借船

竹窗幽夢自天涯  
夢蹋春山看采茶  
睡起日斜添怪事  
畫船簫鼓載梅花

示樵兒



晴窗弄筆累呈詩家有圖書善護持佛閣且隨余合爪  
人閒何事不低眉總拋得失騎牛外只較輸贏鬪草時  
依樣葫蘆定無害他年也作示兒詞

### 哭青藤

遮屋青藤余苦愛之

一日爲鄰家翦去

碧葉玲瓏亂篠閒愛他翠疊似空山只供清賞那無罪  
不入時宜合受刪便減一分秋雨響直銷四面草堂顏  
從今但作秦郎夢醉臥藤陰杳不還

秦少游詞醉臥古藤陰下杳不知南北

### 春盡寄竟孚

只道消搖屬夢遊架書緣懶怕頻抽豔香思殺海棠國

涼雨作聲成罌粟秋飛燕繞堂如說呢茶童雙髻稱騎  
牛高吟趁取長風便人在南村古渡頭

寄不寐道人

鐙點長明精舍幽江南鼓角亂邊愁奇文偏削睡鄉記  
佳茗還封不夜侯畫壁臥遊青嶂小紙窗聽雨綠蕉秋  
夢華一卷從頭錄眼底茫茫禹九州

病中晤王子

破例邀君坐水亭從教疑殺老園丁別來桐樹幾回綠  
話斷茶煙一綫青西漢藝文誰載道南村花木盡談經  
要裝落葉新詩軸乞取長歌當座銘

代簡邀西谿客

不及其聽雨新晴聊爲來夏園詩未續寒釣軸初開茶  
劣議烹水盆閒欲種苔相逢無限話莫作借書猜

樵兒病瘥

南村屋老樹成鱗黃葉相看病裏身好點禪燈參冷暖  
試開藥裹辨君臣愁逢秋雨還成例句驗翁詩未有神  
何日籃輿蹋山影一家強健訪樵人

憶鹿山樵  
故未韻及之

愁懷

石階放盡舊蘭窠雨探藤花借屐拖門向春風空自閉  
言逢快意又成訛香憐亞溼將詩換曲買冬青教子歌  
老去欲圓漁艇夢從今結網并穿蓑

何處難忘雨

樂天有何處難忘酒七首余用其體作賞  
雨詩使後人知余之嗜雨如樂天嗜酒也

何處難忘雨涼秋細瀑垂小窗佳客在白芫試花時漁  
笛聲全合水村煙正宜谿山茗上好雨癖少人知

夢裏

夢裏村人說秋江繞畫旗病隨新話減老惜太平遲出  
塞誰家曲從軍幾軸詩小遊能決勝試布九宮綦

豐草菴詩集卷六目錄

紅蕉編

詠紅蕉首二

買童名如夢

春雨

閑持訥語

余述棲雲禪師天台時事

出門

夜泊松陵

過包驚幾故宅 過吳王治軍處

木瀆道中

靈巖歌

浩歌別長嘯翁

示漁童憨文

古怨用孟東野韻

梅花乳

字釋

樵耒詩

示二兒

夏日晤長嘯翁斜陽別去

五月歸

自靈巖閱幃孺姪詠墨集

渡口與胎簪十兒

夜話

補籬限韻

反苦寒吟用孟東野韻

住住歌寄山中人

住靈巖峰頂

六月得夫

山和尚書長牋細楷詞義粲然末後數行述山中近來多事無暇法語此靈巖一段新公案也

七月紀夢

黃鍾引答韓孺姪論易

行藥

夢華潭口

話鹿山舊事

擬徧遊吳越

浪

遊雨遊

秋蟲

桃葉引

賒書戒

自題

草菴羣碎錄

賣田

秋夜吟

秋日將至靈

巖

偶拈陶宗儀詩依韻賦卽事一首命樵兒

和之

巷中童子夢至靈巖

待西谿客不至

還山吟

漫興用前韻

山夜晤友人

秋

齋雜興用前韻

樵兒和韻余復點筆

夜讀

石湖集復用前韻

擬鬪四聲牌待竟字不至

用韻促之 寄友人復用前韻 漆鏡堂雜興  
答友人復用前韻 愁語復用前韻 夢華  
潭卽事用非翁疏字韻 雨後放言復用前韻  
共友人話元次山詩復用前韻 雨中約西  
谿客復用前韻 聞非翁卜居潯上復用前韻  
兒輩過豐草菴呈詩復次前韻示之 詠漁  
婦復用前韻 有感復用前韻 自述復用前  
韻首一 夏日同竟孚快論六書復用前韻 答  
兒輩問疾因話出門復用前韻 草菴紀事復  
用前韻 感事復用疏韻 復用疏韻答竟孚  
晨起復用前韻 贈方外交復用前韻

豐草菴詩集卷六

紅蕉編

吳興董

說若雨著

詠紅蕉 二首

癸巳

半籬涼翠擢新莖刺眼紅牽海外情  
色滅每增南客歎愁多爲借美人名  
滴殘秋雨心還卷聽到寒蟬子未成  
閒把杜詩相傍讀也應腸斷蜀鶻聲

南中山水錦成堆翠葉空將秀壁猜  
製譜客言蘭別種賣花人自日邊來  
落成紅雨飛鶻淚采得玄珠壓麝煤  
一百八穿蓮社樣石樓長伴梵聲哀

買童名如夢

寒峰七十二余昔夢見之篆牌凝石綠  
七字翦新詩數



前夢至石樓有七字篆

西山授經客杖揀海棠枝

友人從山

中致書寄

緘題送南村纍纍煩致辭相勸發遊跡苦惜

少壯時五嶽待婚嫁青鞋空爾爲開書動長歎人世多  
傷悲昔負遊仙夢今捐塵外期秋山出畫廚田園聊構  
奇自號臥遊氏夢適覺亦宜是日買樵童髮短未遮眉  
安名定如夢馳寄良朋知

春雨

鹿眼籬新織村聲隔轉遙試鞋愁薛滑鍊句怯香銷瓶  
受養花雨谿修接寺橋夢中遊跡浪魂倩小童招

閱持訥晤余述棲雲禪師天台時事

空山兀兀坐禪僧屋縛黃茅柱借藤一陣腥雲龍過處

松鱗昏黑鬧青蠅

積雪埋龕徑不通地爐煨芋火微蒙紅翰忽躍千山表  
身在琉璃世界中

出門

遊子出門日澹澹水楊掠岸風悽悽臨河莫奏公無渡  
別曲休彈烏夜啼三百丈瀑挂蓮社五千仞嶽拔天西  
山經繫著枯筇竹緊峭芒鞋路不迷

夜泊松陵過包驚幾故宅

識面是長訣婁江縞素時亂來尊獨行死後證相知岸  
閃漁舟火門飄野廟旗不曾攜斗酒祭友例憑詩

過吳王治軍處

遙山一點黯如雲不見吳王舊水軍  
學得江村茅屋樣  
四檐繩網織斜文

木瀆道中

靠山結屋路斜出拜樹成籬葉倒生  
賣魚人踢石楸影  
卸笠放船天晚晴

靈巖歌

秦伯南遊蹋海水身畫龍文混龍子  
靈巖開山第一人  
高風冠冕靈巖史敕山鳴冷松杉香  
千古吳王歌舞場  
秋塘獵火閃旗影蛾眉結隊齊軍裝  
海靈宴散玉笙歇  
麋鹿滿山開野棠采香波定塔空挂  
響屨塵銷月轉廊  
一朝陟變青山格旋轉乾坤老黃檗  
挽得匡廬瀑布來

寒流倒挂三千尺，蓮社高賢海外心。  
洗盡吳宮綺羅跡，列傳從來首伯夷。  
世家次序先吳伯，龍門奧府人不知。  
史綱正眼誰開闢，山房雲斷梧桐秋。  
一窠香篆江天碧，秦伯墓在山麓

浩氣別長嘯翁

夜半山堂唾壺缺，切雲冠對春風裂。  
身逃吳會少年場，壯懷共立斜陽說。  
寶刀鐵鑄荆軻心，銷作清鐘龍鈕結。  
嗚咽聲招杜宇魂，鮮花血染沙場血。  
蘆中人長嘯，客廬山許我問高賢。  
四海憑君教豪傑。

示漁童憨文

挂帆隨天風，遊跡昧南北。  
船頭撥棹人，飢顏秋草色。  
飲

眉問何之欲答忘所識獵獵菰蒲中良久相向默謂余  
太慙生慙遊自奇特鄭重告慙文機盡神無慙試寫昇  
天謠仰視雲中翼

古怨用孟東野韻

小盡二十九夜黑渡秋水銷盡明月魂明月爲誰死

梅花乳

癸巳五月家中復舉一雄名之曰村字曰古  
雪索篋中得梅花落簾一裏余出新意製先  
天玉液法令用梅花屑和  
乳飲之故乳名小梅也

三生不用話因緣冷澹家風第一立細擣梅花聚香雪  
鍊成寒玉補先天

單方玉乳莫輕傳送臘寒花格外妍他日阿翁浮海去

一村晴雪渡頭船

字釋

余既字六子作告其辭曰告樵牧耒觴漁昨  
定小梅名思及汝等都未有字雖皆童稚未  
應然我已置身方外萬一長者過愛不能曲  
鑿我心使汝等稱名未野遠禽鹿之性亦合  
空山中入死有恨結今定爾六人名字阿來  
名樵字裘夏一字視琴號鐵笛生大奇名來字江  
字放雲一字巖號退谷子小奇名觴字浪仙一  
屏一客號野渡生阿子名漁字裘江一字隨  
字散客號野渡生阿子名漁字裘江一字隨  
隱號江湖長小梅名村子古雪一字浦翁號  
寒峰野人青松白石實聞我言  
其明日復作字釋詩以俟家乘

拂手背延陵樵坡花竹窟披裘衝夏雲寧爲遺金出俗

外子山辭

庾信贊披裘當夏俗外爲心

藏名皇甫筆世乏龍宮方莫

惜煙霞疾

釋樵字

祝牧遁榮聲援琴歌負戴山閨刻隱盟杏苑承仙賚曉

登雲外壘月泉吟不再放犢繪田園詞場動深慨

釋牧字

江緩吟翠屏夔州荷鋤雨灑西託草堂白頭悲杜甫不

如石戶農海山遊太古千巖及萬壑耕盡雲霞圃

釋末字

甫里散誕人志散江湖傳蓬席透茶煙泛宅蘋江面野

渡釣船橫那畏秋風戰浪看茗誓雲仙遊應未倦

釋舫字

蓑影落空江拍手秋煙綠漁歌翻舊譜唱繞青山足一

竿脫是非千里無拘束謝翱記釣臺高情後誰續

釋漁字

耆舊歎張靈死憶梅花麓羨殺古林逋晴雪圍書屋祖

德隱苕谿梅村老耕讀所以臥遊生氏借孤山族

釋村字

樵末詩示二兒

空山闢樵路太古無鳥跡雲梢斷復飛竹瀝遙轉碧鐘

尋煙外寺碑剔蘚中石卸笠數晴峰貪奇忘日夕

樵

肩鋤立板橋水村敲社鼓一片堯時雲數家秦代譜畦  
青麥浪翻窗白蠶絲吐擬畫田園詩春楊挂山雨

未

夏日晤長嘯翁斜陽別去

舊事相逢話半忘樵船還望寄棧長

數年長嘯翁每寄書樵艇

東京

錄裏尋漁浦鄭谷詩中憶草堂

孟元老著東京夢華錄鄭谷詠鷓鴣名鄭鷓鴣

何國姓何山海闔昔人非昔水田裝休將樂府題拈徧  
生怕傷心結客場

五月歸自靈巖閱樟孺姪詠曇集

草閣卸歸裝笠帶靈巖雨高松集涼翠堂空燕方乳西



窗點詠墨人靜添香炷開卷慕嚴陵悲弦爲誰鼓涉聽  
音和平其心良獨苦平生夢釣臺未進秋江艣昔遇長  
嘯翁蓮莊嚴子善嘯  
余呼爲長嘯客壯遊能自譜深嗟七里灘細石澄  
可數遊懷觸新句肯戀南村土與爾辦青鞋江南就紅  
樹握手共登臺斜陽勸千古

渡口與胎簪十兄夜話

北渚相逢漫品茶青山話斷話桑麻袖中未滅雙瓢字  
鐙炷重開夜雨花余八年前曾寄兄書有雙瓢對柱之  
語又憶辛巳壬午閒西窗共讀約盡  
三更每戲指鐙花相爲耐數樂國高賢傳合璧慧持爲遠  
公之弟廬江通隱  
恣柴車經生習氣銷難盡古韻三更證琵琶琵琶字入聲  
向徵唐詠  
余又據劉熙釋名字作批把證其  
通讀深夜偶談爲鼓掌之資耳

補籬限韻

丁東藥杵喚停敲重織筠絲結舊巢  
杜甫收瓜除晚架天隨翦杞入秋庖  
放鬆承露出門仄避竹行鞭結角坳  
明日擬將書畫曬軸中仙影看三茅

反苦寒吟用孟東野韻

苦寒但敲火苦熱愁枯桑風炎退谿綠  
日猛銷藤光誰將冰雪文寄我南村陽  
報以涼心鏡背篆龍鳥章

住住歌寄山中人

住住無弦譜出幽琴趣萬戶千門拔地開  
百非四句先天注震納庚子坎戊寅花甲  
分明水東赴小坐山房几案空藤牀缺  
足安樵具自言翰墨少年遊辭場旗鼓江

南樹一從探得桃花源指迷誓鑿漁人路龍爪空韜東  
晉書金聲懶擲天台賦斬新一片無字碑磨兜堅處青  
山露悔心不禁拍闌干廿年眞爲儒冠誤

住靈巖峰頂

家在松陵西復西樵船春放鷓鴣谿更生昔日元名向  
中散先人舊姓奚峰繞石樓遊是夢眼空雲海物眞齊  
藥鑪茗椀生涯冷又盡禪房一甕齋

六月得夫山和尚書長牋細楷詞義粲然末後  
數行述山中近來多事無暇法語此靈巖一段  
新公案也

雲截山腰青未舒金人緘口證眞如定知兀兀元無事

始悟惛惛不草書

後回觀面雁聲天柏子休拈骨董禪石壓木犀雙偃蹇  
蒼龍尾挂法堂前

七月紀夢

庚戌月落領新夢雞角南蕉放葉長穿雲直上一千尺  
綠葢江天草閣涼虬髯自訝拂階石倒挂松葉風飄揚  
垂楊左肘已奇僻種松領下誠荒唐不須長柳發占鏡  
白荳花前盡瓦觴神靈祕旨我能會要廣松牋補夢鄉  
余夢鬚成松葉垂數尺仰見緣蕉蔽天

黃鍾引答韓孺姪論易

黃鍾不揭文韻劣世閒絕倒南村說黃鍾道荒易運亡

其笑狂夫病轉狂  
狂來竹翦雌雄管  
吹出屯蒙聽長短  
七十二律輪天環  
六十和鐘聞者罕  
宛工繼統華山仙  
卦繪方圓著書嬾  
殺恨神人付睡方  
全圖夢裏風吹散  
漢朝文苑領英華  
出震曾無南指車  
李郎推律謬更姓  
遊魂納甲雕秋霞  
玄枵倒跨蒼龍去  
山腰谿口浮雲遮  
萬事不曉草玄老  
泰初末後揚塵沙  
長楊羽獵不須悔  
空識奇字排州家  
誰能喝住羲和轡  
蹇靠扶桑問易差

行藥夢華潭口

吟立西南角潭秋  
雲亂生浦思前夜  
釣樹露別村晴記  
補竹籬缺私拈客  
句評醉漁歌正好  
再轉後谿行

話鹿山舊事

閒度書堂橋青山影中坐  
紗飄樵笠來鉢響僧裝過  
雲放半邨晴松作千年臥  
童搖訪澗船又蹋蒼苔破

擬徧遊吳越

吳郡名山洗雙眼越中仙  
都鄰故園青鞋布韞只今始  
白石長松聞我言九十日  
春雨亦好三千年史辭何煩  
讀書裹足廢遊覽禽尙不如  
秋嶺蟻

浪遊

窮愁難募購書錢浪跡江  
邨詰曲穿西塞詞拈青箬笠  
樊川句說半晴天交多衲  
子偏尋寺社有漁郎慣借船  
莫榻鼠鬚修禊帖幾人感慨  
永和年

雨遊

昔同長嘯客放船論今古帆落青楓村楚雨聽寒浦燈

輝撥不明寥寥四聲鼓近築逍遙遊

近屋上架屋名逍遙遊

雲林

坐中取幾點西南山碧浪浮可數高窗急雨來峰沒青  
無縷吳家畫狀元風塵素非伍購得歸舟圖潑墨鳴風  
雨鬪石怒篙聲繳隙衣千補以此三因緣聽雨吟偏苦  
喚艇夢華潭潭春柳芽吐披蓑細雨中空濛響遊鱗

秋蟲

九品做班書創作秋蟲表寒蛩居上上石縫吟聲小同  
是鳴不平調澀愁偏繞如點孟郊詩能使有情天

桃葉引

余名貓曰桃  
葉作桃葉引

繡牀午倦綰雲凍寶釵膩滑飛青鳳睡足烏圓芍藥闌  
銀鈴敲斷遠陽夢流蘇癡拂綠蠻氈雙結盤龍壓勝錢  
爪拏巧作於菟戲軟舞真成獅子旋雲圖錦帶名不珍  
桃根桃葉轉愁人渡江無檝遠山綠兩岸繁花空暮春

賒書戒

合爪清香篆一窠休添公案結消謫頒行無字經中戒  
避債臺前受羯磨

書滿家兼畫滿廚莫教勸哭爲窮途喚醒懵懂高陵子  
聞道無期早破觚

高陵子始未聞道其書滿家  
既聞道破觚朽牘見仙傳

打點收書欲募錢綾裝冊葉結清緣幾番呈似還羞澀  
誰仗文章種福田



自題草菴羣碎錄

歲月頻仍疊紙繁南村碎事入清言憂愁壓倒孟東野  
山水平分腳道元碧篆鐫牌裝白鳳昔人以白鳳名貓綠蕤衝  
雨買金萱石幢擬傍松根豎一任秋風轉繡旛後四句並記草菴近事

賣田

余存豐草菴田三十畝頃復以十畝售人聊資瓶鉢作賣田詩

石湖雜興逐時催空曠田園紙一堆法味慣餐無米飯  
衲袍還學稻畦栽王少伯詩手巾花氎淨香帔稻畦栽丹青賦筆三都麗  
水墨圖屏五嶽開故國山河春寂寂斜陽芳草試登臺

秋夜吟

人行積水中，蹋亂青松影。吹滅秋窗燈，月白飛光冷。

秋日將至靈巖

芒鞋蹋葉寺重投，去看晴雲繞塔流。響屨仍飛吳苑月，  
洞庭先結夢鄉秋。有童負笈未孤客，無事出門纔壯遊。  
只唱漁詞記歸日，楓林細雨轉船頭。

偶拈陶宗儀詩依韻賦卽事一首命樵兒和之  
枯樹根撐維艇石，水苔綠繡跨谿缸。千巖萬壑遊偏獨，  
竹裏蘆中影倒雙。鬪雪藤牋吟霽月，塞船書軸放秋江。  
西湖詞愛梅花老，吹學君山鐵笛腔。

菴中童子夢至靈巖

背錦囊行樵路新，同穿石竇碧磷峒。收綸放鶴渾閒事，

漆鏡堂添話夢人

待西谿客不至

仄硯曬池冰坐盡梅花月搜得無聲詩細與青藤說懸  
知蕭寺句瘦琢郊島骨望盡石橋南古墳花未折

還山吟

去聽禪房落葉聲更生老後易新名益安古石人稱怪  
庭有孤松欲謚貞筆運鼠鬚珍舊榻蚊飛豹腳鬧新晴  
山空鹿散翠微響樵父村中小太平

漫興用前韻

涼心只遣聽松聲避暑絲來似避名廬嶽種蓮僧許醉  
茅山香案吏偏貞

元道士張伯雨號貞居子

失真畫類點蒼石其隱

人如蜀道晴險韻擅場誰第一鬼才李賀句難平

山夜晤友人

紙卷松窗罷寫經  
懶忘縛帚掃空庭  
流觴三月年逢癸  
化鶴千年客姓丁  
牆竹遮遲東嶺月  
夜魚穿亂一江星  
兒呈新句也癡絕  
吟與高人把酒聽

秋齋雜興用前韻

山話青鞋舊所經  
雨敲木葉響秋庭  
借來笛譜傳銀甲  
製得魚牋記枕丁  
棊局子飛滇水碧  
藥鉢秤刻古時星  
孫思邈千金方  
藥稱三銖四銖  
草堂粟盡空瓶倒  
還飽蛩聲一夜聽  
樵兒和韻余復點筆

老來愛讀種松經  
書譜乘閒習過庭  
修竹逕涼圓夢社

采菱渡晚集漁丁空悲法苑同文苑便補茶星配酒星  
森羅萬象中安知無狂料世閒容不得愁吟只遣綠蕉  
茶星范文正詩也

聽  
夜讀石湖集復用前韻

霜園老後補騷經十二新詩草一庭

集有霜後園中草木十二絕晚年詩

也萬景樓圖煩畫筆

萬景樓詩序樓在漢嘉城中山上登覽勝絕殆冠西州子台畫工作

歸以過谿亭創惱山丁

過虎谿對東林蒼巖翠樾下浸大湖宛似靈隱冷泉囑長老法

才作亭名曰過谿且

字譌真婦窗堆葉石湖集吟緩看

爲率山丁薙草定基  
移竹鱗星明日但教兒細讀翠藤陰底枕書聽

擬闕四聲牌待竟孚不至用韻促之

人似飛來一片霞草堂鑿井擬投車水橫籬角瓢常滿

屋靠楓根柱舊斜趁市山樵談野歷園鋌稚子品詩家  
豆棚涼綠催同賞莫返空牋灑墨花

寄友人復用前韻

老看樓西一段霞結交戴笠莫乘車風高秋浦笛聲變  
雲截小橋村勢斜八月江濤開病色茗谿山翠落漁家  
人閒那識聞返草只道抽條似蕙花

見拾遺記

背明之國有聞返草香如桂莖如蘭

漆鏡堂雜興

重拈瑞草表茶魁

杜牧之詩茶稱瑞草魁

石臼敲殘午夢回王子

券收新便了董生行續古嗟哉

王褒僮約奴名便了韓退之作嗟哉董生行爲

董召南悼不遇也

篆營奇體筆垂露琴斲名工樣學雷文藁不

須還作冢撼成紙燭看飛灰

答友人復用前韻

一代吳僊畫苑魁

吳小仙賜畫狀元印

圖開風雨報秋回隔江竿

影懷蘭若協律禽鳴憶善哉

鳳夜鳴曰善哉

客話瀟湘膚寸雨

兒嘯天目一聲雷

天目峰頂聞山下雷如嬰兒嘯聲

牌分險韻詩才少

料得君苗硯未灰

愁語復用前韻

從教鈍榜老掄魁塵外緣深性不回月惱諱秦聲易正

書拈生魄韻譌哉

陸德明尚書音義云哉徐音載

搜神岱嶽思臣寶拭

劍豐城話姓雷野衲雄心元跋扈不須爇律苦吹灰

閒操壬式轉河魁爲卜樵童乞米回誰共宋忠尋日者

卻愁東野製傷哉，貓睛綫直中天午。象齒花生拔地雷，  
萬一太平身沒後，好尋骨塔告寒灰。

夢華潭卽事用非翁疏字韻

白豆花陰藥杵疏，閑忙爲曝舊藏書。浮名徒益九重障，  
草木曾參七不如。秋園縛帚難供埽，石壁纏藤合受梳。  
擬鑿小谿通釣艇，從教野史補河渠。

雨後放言復用前韻

草堂射覆未全疏，一卷傳家卜雨書。死後誰關羊叔子，  
病來長魏馬相如。松垂山夜露，聞滴鶴立涼秋羽。自梳  
開鑿六經同治水，千秋十二賴新渠。

共友人話元次山詩復用前韻



漫叟文章結響疏篋中集異世閒書伏羲古樂人難賞  
夫寶臣謨總未如詩敵少陵同偃蹇調疑東野廢爬梳  
繇來風雅通禪悟水影誰參我是渠

雨中約西谿客復用前韻

懸知僧舍茗煙疏試剝南村冒雨書覓得野航篷未蓋  
寄來樵笠樣何如過眉落落筇堪杖垂領蕭蕭髮免梳  
舊本妒君勤掌錄疲秦設計暫穿渠

聞非翁卜居潯上復用前韻

三事猜君野計疏樵船疊架載圖書應憐山水茗谿好  
得見移家畫裏如蟹舍朱顏楓葉醉松窗綠髮雪晴梳  
木蘭製檝絲編纜相望柴門鑿小渠

兒輩過豐草菴呈詩復次前韻示之

共聽屋角竹蕭疏漫理清言摺舊書十九道中人世換  
三千年內夢鄉如青松霜剝龍鱗老水藻風吹石髮梳  
新寫西銘裝素軸從教舉眼見橫渠

詠漁婦復用前韻

水面鐙穿網眼疏夜聽夫子讀漁書  
鉞敲釣艇兒多戲影炤澄江鏡不如  
欵乃曲依元結唱春風髻學孟光梳  
浮家漫逐文禽隊石板橋南翠柳渠

有感復用前韻

奇峰雲散碧桐疏新斲楓盤遁洛書  
澗石止供樵斧礪春旗空展茗芽如  
桃源像惜南唐畫倦繡圖傳北宋梳

渠  
余見五代人淵明圖  
及周昉倦繡畫卷  
只恐婆娑生意盡賦中枯樹早填

自述復用前韻二首

語語膏肓事事疏臣癡難及戀收書絕交古帖摹來熟  
結客雄心老不如羨殺十洲仙枕夢拋將百齒養生梳  
儒林近日輕圖籍暫使僧龕做石渠

鼓吹筠窗山雨疏夢華自錄紀年書憂盆內柏半株  
話海中山一髮如客避茶煙門絕敬童貪仙樣髻雙梳  
鷓鴣水界人知否西屬放生東釣渠

夏日同竟孚快論六書復用前韻

注家爾雅學偏疏西漢文人誤六書七調律差緣舊習

九疑峰亂爲相如卯金殺怪仙音謬温媪誰將滯義梳  
要定形聲翻許慎放船秋水快通渠

答兒輩問疾因話出門復用前韻

青松架滴雨珠疏累汝勤鈔十日書只把隱謠吟萬遍  
余住菴之初手書鄭所南  
隱居謠命兒輩日誦一過不須精舍問何如筒郵樵子  
儻求茗信到秋山省寄梳豐草他年畫前像衲衣人在  
百花渠

草菴紀事復用前韻

只有牙籤習未疏南村草木擬編書山看古記同游夢  
雨聽秋檐得自如吟苦刻香催點筆詩狂握髮幾停梳  
芙蓉手植前谿錦還喜同圍屋後渠

感事復用疏韻

江左風衰墨苑疏，誰賦誰論未焚書。典收舊楚珍雞次

花買吳興重洛如。

吳興有洛如花州有文士則生

注易硯枯承露寫遮

窗竹亂借風梳，食人馬腹今處不獨山經記蔓渠。

經蔓渠之山有歌名馬腹人面虎身而食人

復用疏韻答竟字

青松葉散石紋疏，揮塵谿堂論道書。透溪蓮花西嶽小，  
垂窗梧子藥丸如。散人屋做禽巢架，東野賦將病骨梳。  
門喜鷓鴣谿水繞，村西還少杜鵑渠。

晨起復用前韻

寺打晨鐘雜雨疏，起來仰屋只箋書。頭無宋帖襄陽辨

瘦有唐詩買島如待購寶犀重飾劍莫輕象齒漫雕梳  
珍奇滿架新籤富壓倒龍鱗西苑渠

贈方外交復用前韻

南村人似斷雲疏社結漁樵共讀書誰慕中華同吉了  
不須禱過訝瞿如禱過之山有鳥名瞿如鳥足人面老貪村角騎牛穩  
肯鬪時裝墮馬梳交遇素心成異瑞錦鸞緝背出軒渠

軒渠園  
出錦鸞

豐草菴詩集卷六

豐草菴詩集卷七目錄

登峰編

登峰變 雒陽變 蜀錦變 飛魚變 寶鏡

變 握籌變 畫樹變 采茶變 博山變

雨登靈巖山 重至靈巖呈夫山和尚 遊仙

詩 山行 石馬煙謠 讀列子 懊惱歌

從軍行 昭君詞 王孫遊 續子夜歌 秋

胡行 有所思 放遊 住菴 病中喜西谿

客至 憶張非翁 暮春讀後村落梅詩因賦

一律 秦吉了 蛺蝶花 續夢中句 詠古

劍限韻 曉坐 池上 與人論詩 看園了

理菊 次韻答姚文初 詠懷用韻三首 寄

西谿授經客 非煙頌 水際芙蓉 詠古錢

題畫 紫牡丹 吳興漁人教子謠 夢華

潭雜事 樵兒呈史測因示 懺聽雨 埽石

吟 夢華潭謠 雨謠 鳩喚雨 追記靈巖

禪堂事 病中聞煎茶聲 同竟孚傷持訥翁

述愁 感懷 鼠損璇璣卦圖客爲余補之

是日大雨 與友人雜論律歷聲詩時友人有

種菊新詠因用其韻 再和 讀書曉寒樓上

村居述 秋齋獨坐喜友人忽至 示樵兒

病中 縛帚 讀友人近集 九月朔未兒呈



吟課 落日 夢侯幾道 重九竟孚別去約

冬盡相見先期而至驚喜有作 非翁擬遷滬

上詩以促之 答吳門金孝章 南村秋鬼謠

少時遇海上楊材官說邊事歷歷甲午秋與

竟孚試茗憶一二事 述與西谿客語 閒居

霜曉拈三韻課兒爲唱一首 疊前韻示樵

兒 又疊前韻示耒兒 甲午冬日兒輩集豐

草菴演四聲葉子得登字 復用前韻 兒輩

重集豐草菴 詠四聲葉子分得廿六宥 夜

坐聞空中環佩聲 甲午冬復擬遠遊 雪山

詠 莫履冰

豐草菴詩集卷七

登峰編

吳興董說若雨著

甲午

登峰變

傷易學  
不明也

登日觀峰鷄鳴海豁九點古煙青若黛潑天地轉震圖  
扶桑萬年活堯亦不能栽紂亦不能奪古箋爰者編摩  
今關易者執戈黃鍾十二雄管謫焉勒飛龍奈爾何

雒陽變

傷周禮  
滅裂也

擬蹋雒陽道慟哭周公臺路遠不可到執卷有餘哀執  
卷餘哀西漢文哀考工補闕稱禮師琵琶玉磬元聲離

元聲離公知之請莫椒漿酒古曲奏哀絲誰明六十司  
空變斜絡義和駕並馳

蜀錦變

傷素問運  
氣之謬也

拂我蜀錦韜太古無塵筆珍我象齒籤不混甲與乙天  
門蕩蕩馳客車王冰剔燭著僞書

飛魚變

傷擬樂府者  
不知宗旨也

石不學言魚不學飛豈無石言其言者譏豈無飛魚其  
飛者稀故夏非古夏秋非古秋冬非古冬春非古春日  
躔已在箕三度抵掌衣冠作漢人

寶鏡變

傷七十二歲差之法不傳於世也

我有寶鏡一開闢元年作赤緯歷災限白月千春落東海昨揚塵光芒霧中躍背旋龍馬圖怪篆垂蛟腳摩挲不自置神寶將誰託

握籌變

傷太乙圖式之謬也

握籌炯炯秋燈綠七十二峰排碧玉水精遷入羽林宮  
共算唐虞古天局

畫樹變

傷六詩不講也

畫樹石者四面取之古風拂千春不可網與縻驅車至  
北邙古冢草離離死者日夜繁杉松動人悲死者不足  
悲哀哉生人冥漠泉下期君看章句客魂魄空爾爲

### 采茶變

傷六書  
失傳也

采茶祭羽學書宗許羽出茶經萬古醒說文鍾鼎字不  
靈小兒覓黎粟耳畏霹靂飛秋登落雁峰同遊應復稀  
我罪許氏兮俗學譏蒼蒼四海兮行安歸

### 博山變

傷非煙香法自昔無聞  
使香草不早見於時也

非煙香鍊杉風涼自有天地無此香卻疑銀釜是丹鼎

園中露葉皆飛翔，祇今芳草怨遲暮。冷落千秋空野塘。

右九變鷓鴣生傷心俗學長歌當哭日變者所謂正言之不足也。

雨登靈巖山

雲瀾浩浩白不可埽，抱樹長歎愁令人老。惜無琴臺疑海中島。

重至靈巖呈夫山和尚

空山洗鉢畢，生期吟骨清。羸託護持本草入禪，才是藥  
瓣香出袖，併緣詩宗生病恨。鑪峰別杜子心，悲布韞遲  
家世漁村慣，蓑笠穿雲多是雨來時。

遊仙詩

浮雲西北來，中含萬古愁。試逐秋鴻飛，聊爲天上遊。俯

豐詩  
三  
視雲茫茫聲作江濤流道逢駕鶴賓與子結綢繆塵埃  
不足道學易願深謀震圖及卦律墜地千春秋安得發  
仙藻紅日照齊州

山行

落日射背木葉滑橫挑拄杖懸詩囊海天二月發秋翠  
野廟斷煙生古香洞口楓樹根可坐山腰亭子名難忘  
垂藤松鼠或孤僻纔遇遊人竄道旁

石馬煙謠

傷煙滿

江南也

何處飛觴來醉落櫻桃前摩眼指東村新來石馬煙  
花落過千春不識名煙香嗟哉古江南何以爲樂方

繭紙裏絲煙並坐采茶舟漁村乞柳火翠管笑相酬

讀列子

列子湯問篇放言滅輪郭殷帝三寶劍虛空恣揮霍含  
光視無見經物不能著承影竊有聲澹澹物冥漠宵練  
見夜光驕然開脈絡隨過復隨合覺疾刃不赤急承第  
一句天秋海濤躍勿墮二與三電尾空閃鑠所以玄要  
旨古人喻韜略此義如白日箋注垂雲幕文拘且邴章  
報警煩卜度來丹彼厭我波瀾轉加縛張湛留音義夜  
象煩手摸休言厭勝術神異謬驚愕

懊惱歌

姊是大司命攝我神飛翔姊是龍雀刀寸寸斷人腸騎



石鶴心蒼黃打瓦鼓聲不揚遠夢不到秋漏長江南江北天茫茫

從軍行

迎寒製戰袍九月邊霜酷染成五色絲晨繡承紅旭當  
宵結麒麟雙袖飛黃鵠黃鵠萬里心麟閣勳名錄莫以  
紅顏故雄圖自拘束不惜繡芙蓉誠恐攢心曲

昭君詞

雁落天南第幾關胡霜秋冷響刀鏜愁中怨殺秦皇帝  
翻築長城隔漢山

王孫遊

綠樹徧江南歌樓應未覺憑誰玉觴前一唱江南樂

續子夜歌

催買紅綠絲繡得乘鸞女妒他冰雪顏郎求儂未許  
霜月聽驕嘶是歡新買馬馬底得歡心秋風忍儂捨

秋胡行

日晏畏蠶飢使君空爾爲行行望煙舍戚戚樵徑遲上  
堂殘日射側館闢羅幃蠶生綠桑落春至庭草悲夫子  
執英操明月永心期何以諒高素綠成白雪絲道遠不  
可贈王事日以縻豈若狂夫薄黃金桑下持秋胡行俱  
作決絕語  
余獨述采桑歸路  
之詞或小補情事

有所思

我所思乃在明珠之浦翡翠之枝桐花鳳小嶺煙綠茱

荊風寒香雨遲製笛栽修竹弦琴買素絲良人儻借別  
萬里候光儀入門下馬拂離淚賤妾先歌三豔詞中婦  
吹楊柳小婦唱將雛大婦獨無事看山澹拭眉問妾何  
為爾相憐匪自私

放遊

胸中那可著南北千古遊人失遊法臥遊道人自開關  
船頭鎮日帆竿插雲腳東斜風勢高吹落靈巖花岸狹  
山花滿種黃資斗歸路江濤賴渠壓

住菴

得與遠山對何愁伴藥鑰郭公聽鳥語諸葛記花名寺  
近通晨梵漁親學放生石牆圍竹短鳥帽露人行

池角幽棲處水聲圍竹房紙依蘋色染笻刻杖痕量密  
諦參龍樹文闌護佛桑行時書一卷回授小童將  
濃藍苔路巾砌石學谿冰髮落初縫衲詩寒早類僧說  
將聽雨法傳得看雲證應勝隔凡字松南水一層

病中喜西谿客至

擣藥聲應戶外聞相逢訴病不須勤語因乍到端頻改  
鬢憶前來白數分舊社有誰同品水新題曾否擬從軍  
松根細與閒人說明日高帆隔浦雲

憶張非翁

歌勿歌行路難愁勿愁芒屨穿包腰浪跡自愉快兒女  
不如山水賢對面吞聲那可語蜀道不在西南天吳中

高士張夫子睽離十載情纏繇借書不惜手鈔本問疾  
兼憂買藥錢往時寄贈兩吟軸古松流水同澄鮮一人  
知我死無恨且研秋雨終殘年

暮春讀後村落梅詩因賦一律

撲地寒香動客悲茫茫愁緒不勝思江天鈞雪維舟處  
村市收鐙蹋蘚時碧水那留前日影瘦驢別續看花詩  
誰圖遲暮飄零樣白月三更只自知

秦吉了 用林霽山韻

前身讀忠經那忍習蠻語自謚曰漢禽結心報貧主死  
共鷓鴣魂雙飛哭秋水

蛺蝶花

暖日雙飛野草籬滕王圖樣未珍奇白團扇子輕相撲  
都恐青蛾作意癡

續夢中句

長柳書難讀憑誰問夢因遙天鷺去客缺月慟詩人

二語

得夢中

積水雲終改

時立春後十四日也

揚塵海未真石橋垂老訪

應悟句中身

詠古劍限韻

古淚溼銅花風雨夜聞叱收斂百世愁牀頭伴吟筆中  
有俠士魂鐙前呼欲出

曉坐

春夜不曾永空齋滅睡思遠雞殘杵隔短燭曉風吹愁

至書頻卷寒添幕再垂石闌栽藥未吟客正清羸

池上

只欠玄真艇子拏灘排釣石插竿斜紅魚陣散穿人影  
碧藻絲浮漾墨花一幅水村開別墅四窗煙樹簇浮家  
江鄉聽過杏枝雨隔岸雙樵話采茶

與人論詩

耆舊謝皋羽西臺留哭聲打碎竹如意長慟天爲傾豈  
其吞聲時先辨宮徵名無端一慟哭千載聽深情

看園丁理菊

斷雲飛水村去作下山雨開門值漁唱春潭緩歸勝筠  
籤閱菊名秀族欺前譜園瓦插新苗莫遣秋無主

次韻答姚文初

高賢揮塵未親逢，愁對樓西數點峰。  
舊學晚周卑白馬，新圖出震表蒼龍。  
余著易發定出震全圖蘋洲花落風前艇，漁浦  
春深病後容。肯結煙波人外約，筆牀茶竈定追蹤。

詠懷用前韻三首

瀟湘那復故人逢，深住茅菴當碧峰。  
高柳亂蟬看飲犢，孤村微雨話分龍。  
帚呼灌藥人牢縛，屋算藏書架劣容。  
帖展蘭亭倍惆悵，昭陵繭紙斷遺蹤。

方瞳綠髮夢中逢，倦客心飛島外峰。  
池借研名稱墨海，鹿依仙籍喚斑龍。  
南村松植鱗全老，北渚軒開膝暫容。  
婚嫁繇來誤人事，碧天鴻鵠有高蹤。



半壁殘書鎮日逢，故交知隔幾青峰。  
三章茶約頒銀鹿，一曲花籬護籜龍。  
睡如苦茗回來味，病類秋山雨夜容。  
杯酒本疏名已置，漫憑僧史寄孤蹤。

寄西谿授經客

一園綠雨四時秋，縱有吟情孰唱酬。  
花落年年思作客，愁繁日日悔登樓。  
懷人步繞冬青樹，得句筒隨春水流。  
欲約松陰共殘日，高僧詩卷喜新收。

時新購  
皎然詩

非煙頌

自製香屑名非  
煙詳非煙香法

煙花細細松鍼柔，杉子青磊落之蘋洲。  
香之來輕風流，是耶非耶研山寂寞不敢收。  
渺然坐我秋江舟，白石青

楓盡意遊

水際芙蓉

宜水亦宜秋品日豔而冷應惱玉顏人畏亂晨妝影

詠古錢

紀年何代號簡史益嗟吁字晦蕤層綠輪銷滅舊銖除  
痾隨藥杵壓勝伴桃符借問垂簾客成神事有無

題畫

山迴秋勝長夕風揚老髮浦口堯時雲松梢漢家月

紫牡丹

陸家新譜色絲辭繪出朝天別種奇捧研吟時爭石彩  
揚鞭飛處並驅馳綺裘倚醉唐供奉豔妓呼名杜牧之

用紫綺裘紫雲妓二事

一段落霞誰擬得綠珠碧玉浪題詩

吳興漁人教子謠

洞庭龍挂陣雲起阿二

獨音讀

修習壓船尾老鯉吹濤菱

葉翻水廟簫聲祭山鬼大兒倒挈魚籃來蘸水畫字雙

眉開字成上大八與九漁父怒叱聲轟雷試問何從授

點畫賣魚因學書堂孩兒乎朝釣笠却弁峰之下暮醉

落霞碧浪無價西船伯翁大莽鹵爲覓女壻字滿肚我

惜阿因不肯許念書識字尙自可富貴辱人我忍汝

自序其詩謂眞詩乃在民間此言殊有意漁父不許大兒識上大人因及伯翁莽鹵珍重釣船甥館亦大風致

夢華潭雜事

夢華徑仄足蓬蒿帶髮僧披百衲袍醫說秋濤權發藥

客談山鬼補詩騷一篇成佛題黃鶴千首封侯賣寶刀  
怕雜江南古風土園中藤架廢葡萄

樵兒呈史測因示

愁臥谿村心事違江南風雅古音微經傷漢代儒林變  
詩斥唐人應制非印寶西清垂史學船撐白石補荷衣

二事並述家乘

松風不改余身後家祭還來看釣磯

懺聽雨

海靈夜渡茗花滿蹋破吳雲漏春雨采桑謠咽小姑聲  
西嶺茶旗不曾吐雙扉長閉魚鱗天詩癖狂題聽雨箋  
悔來合爪蓮花前石鑪飛出瀟湘煙

掃石吟

命短蒼天長雞鳴海月西無營恣遠賞繇來物理齊木  
葉下秋綠雁天雲滿谿勞勞埽山石無乃風塵稽

夢華潭謠

鷓鴣生貧而嗜書一日遇南宋舊本紙墨  
既繁還書長慟故託爲書賈愁望之聲

夢華潭口石齒齒枯柳身敲拜秋水夢華潭泊鷺書舟  
客望殘陽立柁樓立柁樓見書屋菊籬中人抱書哭

雨謠

前水及後水同背青天馳前雨及後雨滴石不相知并  
刀割水水不離石痕刻雨徒傷悲

鳩喚雨

鳩喚雨鳩喚雨莫向西飛向南浦南浦垂楊鵲新乳西

村女兒采桑苦采桑苦人打汝

追記靈巖禪堂事

疏瓦漏丹楓滿堂秋瑟瑟霜冷戀踟躕  
香消卷簾出雞聲白雲底山市夜中失煙霽  
閃鐙痕秋湖指漁窟

病中聞煎茶聲

遊目秋山圖瀑布瀉無響飛濤出茶縑  
一段江湖想會當廢高眠漁路浮煙槩  
敲火碧蘆叢品水口花上

伺竟孚傷持訥翁

還將阮籍窮途淚滴向故人西雨殘  
注畢難經余作序子孫留當祭文看

述愁

三更抱愁坐卷盡不肯曙淒風吹白拂開門送愁去  
日出南谿東愁在雞聲中日高喧野渡愁在梧桐樹

感懷

鷓鴣十載閱風霜難問當年結客場妄想延齡栽白朮  
時友人從山中寄傷心厄閨撫黃楊幾時合社聽蓮漏  
白朮至種西藥闌若箇分貲構草堂南史牀頭堆一角六朝如夢雨茫茫

鼠損璇璣卦圖客爲余補之是日大雨

且停劾鼠廢言詮碧紙新裁綴薛錢海內未焚焦氏易  
眼前小補管中天犯到鉤陳彼敢爾忍將宣夜其無傳  
莫愁大漏同西蜀蜀有大漏天小漏天便挽星河復舊躔

與友人雜論律歷聲詩時友人有種菊新詠因

用其韻

詞場蕪沒亂煙叢風雅誰開草昧中繁露祗憂家學墮  
長楊多悔少時工菊緣地隔譜新舊人有歲差詩異同  
留取南村記幽事他年喚作種花翁

再和

村村社鼓響神叢半掩筠扉細雨中水經閑讀采茶候  
月令新添翦菊工朝暮異占徵六典屯蒙不悟負參同  
誰將易發西南去問取峨眉賣醬翁

事見蜀志

讀書曉寒樓上

崎嶇待來哲秋淚研中滴飛盡蕭湘雲葉脫四山寂古  
人不著書當年空戚戚懸心百世下朽骨求良覲



村居述

五嶽聊遊水墨屏江陵老去戶長扃松風午觸茶煙逆  
蘋葉秋黏釣艇青耆舊集中看故國田家識裏證殘經  
賣花人到話新事除卻看山總厭聽

秋齋獨坐喜友人忽至

遮壁黃茅亭石田畧珍跡畫中人看瀑霞落半山赤無  
言枉相對緒若秋煙積忽聆屐齒音雙扉啟松隙

示樵兒病中

不嫌類我瘦崢嶸祇莫呻吟損遠情花信有風編野歷  
書程積葉記秋更細參新夢權趺坐閒品晴雲試緩行  
病是傳家箴一字藥鑪煙畔定詩評

縛帚

生隔庾元規閒居座慮損松退古時鱗蕉徙南天本山  
家亦勞瘁及此霜葉晚隔竹杵丁東還將茶臼付

讀友人近集

跋扈風塵中突兀開秋嶽玉露集辭林塵尾秋筵捉參  
空鬱禪藻搜立補仙學古來放言人濁世完其璞

九月朔末兒呈吟課

落翠又霜候詩心應轉奇記將楓路冷采取雁口悲秋  
頷四時勝寒爲一字師汝兄吟骨就臥疾口清羸時樵兒病甚

落日

斷靄橫煙樹數株家藏舊有水村圖高人筆意眼前景  
不語下樓開畫廚

夢侯幾道

夢闕老沙石路出枯柳腹秋松新冢青丙舍相持哭舊  
習墮浮名情話仍洄瀆才鬼泣江楓霜魂繞書麓

重九竟孚別去約冬盡相見先期而至驚喜有  
作

吟卷壓長袖行衝枯葉陣乍訝雁來遲翻嫌潮有信  
非翁擬遷潯上詩以促之

茗谿古寓公詩筆例高秀先生冰雪文翠與晴峰鬪杯  
擎西隴茶花種秋籬豆余將覺漁路敲門開奇籟

答吳門金孝章

歷落長歌賚草菴十年疏野話堪慙  
畫廚六月抽松雪樹影三更蹋石枰  
短髮免吹黃葉帽文犀未賣辟邪簪  
他時雨笠尋君去浪跡吳閩書自擔

南村秋鬼謠

妖狐拜月霜花青鬪驪騎馬空中行  
秋魂吹作塔鈴語叫斷東流一谿水  
鬼車曉喚精靈去綠鐙移過江楓樹  
少時遇海上楊材官說邊事歷歷甲午秋  
與竟孚試茗憶一二事

雁天鬱律邊雲走竿亞神旛圖北斗  
帳門滿地簇霜花直北風吹寶刀口

述與西谿客語

昨夜立藤陰莽向鬼神說誓因訪梅花永與家人別  
經老山寺石鼎焚松屑殘山井贖水觸眼盡嗚咽閉目  
萬峰頭一任飛雲滅古來英雄人不惜頸中血苟非爲  
情死那忍相決裂所以離騷經哀豔多急節千秋婉變  
情謬道心如鐵爲君述鬼言老淚不能竭

閒居

異書來眼底乍若故人逢香品賞沈水藤名愛忍冬貪  
吟催染紙畏客廢敲鐘無事坐新雨西峰綠倍濃

霜曉拈三韻課兒爲唱一首

老樹結霜文風西曉雲退秋閒督曝書檐際雙童對愁

詠意茫然悵望秋鴻背

疊前韻示樵兒

雲鱗逐鬢生樹綠經秋退詩苑尙窮愁寒無東野對閒  
定擣香方夾注魚經背

又疊前韻示未兒

名谿定是愚住谷還稱退圖開山海心夢愜仙靈對漁  
社足雲煙秋鷓菊花背

甲午冬日兒輩集豐草菴演四聲葉子得登字

曉寒開北牖

曉寒樓名

風厲不可登南檐集穉子寒髮垂鬕

髻牆隅曬新穀屋角露霜簪韻牌出祕笈玉葉翦霜綾  
團樂演清賞得失互升降角勝鼓朝氣捷鬪秋天鷹羸

似飛嶺陟輸若敲岸崩松籌列左右童子司勸懲有時  
誤平側十五錯除乘忘衝及失贈衝贈俱牌例名語笑喧相矜  
我是鈍狀元百事拙不能韻牌消短日還其蹋谿冰

復用前韻

隱侯築詩壘繁響不敢登靈均祕未覩俗學空髻髻形  
聲廣奇字不厭網與罾四韻刻楮葉錦籤包鶴綾如彼  
選佛圖九品詫道升亦如古開士戲養馬與鷹草蟲分  
甲乙署額秋雲崩細韻鏤塵沙筆重輒自懲韻牌繪草木蟲魚分  
四部牌額署大字其下分列韻文字極細成佛許靈運從來卑小乘空堂響  
奇句掉首吟自矜生難斷文字兀兀效南能肯容點易  
研牢結一池冰

兒輩重集豐草菴

昨日因吟役新歌定嬾諧緩攻五字壘只鬪四聲牌漁  
給蒸香火禽銜試茗柴紙窗團野話真箇隱能借

詠四聲葉子分得廿六宥

山海榻前圖爾雅披新繡草木及蟲魚珍禽復神獸詩  
催席上聯聲沿江左舊年少蹋詞場結客紛馳驟往昔  
閱輸贏人閒幾翻覆不如茅檐底韻葉看兒鬪

夜坐聞空中環佩聲

冷露溼松鱗天秋佩環響疑是董雙成騎鸞自來往

甲午冬復擬遠遊

清泉石鉢夢中寺細雨斜風江上邨弟子幾人工作賦



莫將哀怨寫招魂

雪山詠

蜀道青天不可攀  
流沙垂涕玉門關  
兒童不道崎嶇苦  
鬧疊檐前雪假山

莫履冰

傷履冰羣  
兒水死也

莫履冰雲消日出履不勝  
蜀道天高猶可凌  
男兒不蹋  
冰山層甲午歲寒月建丑  
斧冰朝汲聲登登吳興昔號  
水晶國歷落霜崖今有徵鶴  
窠灣口村夫子蹙縮書聲  
如凍蠅研枯筆秃學堂散風  
前短髮吹鬢髻出門死賭  
凌波戲對岸漁家空撫膺  
天吳紫鳳杳何處竹馬鳩車

見不能莫履冰莫履冰十七小兒同日死化作風霜炤  
夜鐙

豐草菴詩集卷七